

叢書集成三編 第六一冊目錄

文學類



文別集—民國

枕碧樓偶存稿十二卷(自卷九至十二)	民國	沈家本撰	沈寄篲	〇六一	〇〇一
寄篲文存八卷	民國	沈家本撰	沈寄篲	〇六一	〇三三
興化李審言先生與東莞張次溪論文書	民國	張江裁輯	京津風土東海	〇六一	一六三

詩學

甚原詩說四卷	清	冒春榮撰	冒氏台	大〇六一	一六九
--------	---	------	-----	------	-----

詩話

瓊臺詩話二卷附錄一卷並附丘文莊公叢書輯印緣起	明	蔣冕輯	丘文莊公	〇六一	一九七
頑潭詩話二卷補遺一卷附錄一卷	清	陳瑚輯	峭帆樓台	〇六一	二七五
星湄詩話二卷	清	徐傳詩撰	峭帆樓台	〇六一	三四七
隨園詩話十六卷補遺十卷	清	袁枚撰	隨園	〇六一	三八三
唐人試律說一卷	清	紀昀撰	國朝名著	〇六一	五〇三
遼詩話二卷	清	周春撰	述古中研所	〇六一	五二一

文話

讀賦卮言一卷	清	王芑孫撰	國朝名著	〇六一	五八三
--------	---	------	------	-----	-----

文 體

公文緣起二卷

清 董良玉撰

董 氏 台 大 〇六一 六〇一

wt 57/01



枕 存
碧 稿
樓 偶
下

枕碧樓偶存稿卷九

擬左太沖詠史詩八首 辛未

詩三

結髮聞道義萬卷勒鉛丹微妙參天人指畫策治安中朝
布網紀羽翼羅羣賢既懷澄清志焉肯辭艱難高眎屬霄
漢矯若凌風翰悠悠不足貴立身青雲間文化紀梁父武
功勒燕然時平謝圭組高臥城南山

青青嶺上竹灼灼堂中花勁節屏山野薄植升天家高足
據要津志士躬桑麻時命實不同苑枯何足嗟梁竇竊世
譽帶礪要聲華潛夫著名詩終使餐煙霞

吾思公儀休家不畜杼機吾慕鍾離意朝不拜珠璣人生
既用世此節當慎持蟬蛻塵埃外清風嘯可希一介且不
取干駟休相遺彼哉羊舌鮒懿錦空爾爲

紫衝涼輕轡朱門回畫輪相逢多禮數所貢非常珍朝登

爲

田實堂暮隨衛霍塵其也進開府某也作將軍南陽諸葛
廬座無素心人懷抱觀今古章句非所論才大管樂比志
高伊呂倫德輝攬千仞鸞鳳真無羣

登高望閭闔宮闕凌雲煙馳道列千級峻極難躋攀此中
有捷徑可以任往還自非識途者何由得爭先鍵戶謝世
事高蹤追孔顏升嶽小諸峰浮海隘百川

君平隱蜀市下簾問春秋曠懷厭塵世逸焉無所求未爲
中行上高風已寡儔視彼營營徒泰山與蟻邱巧者雄其
智歧路終貽羞拙者守其雌虛室終無尤

子眞上書歸選爲吳市卒仲叔投劾行不因司徒出子慶
擲楮歎恥爲俗吏居大春問閭隱不通列侯謁古人審去
就匪由意激起方其立志始矯矯顧名節所如縱得咎委
蛇終不屑俯仰天地寬長吟獨抱膝

逸驥騰夷路安能服鹽車修鱗赴長川安能集枯渠皎皎
遺世士自與庸俗殊襟期信浩蕩陋彼局促駒憂樂天下
重毀譽羣兒愚苟爲世所棄脩然賦遂初馮衍陳素志京
房進忠謨鑒和不相容始合終見疏玉洁良有待何必執
人裾委心以任運嶮巇皆坦途

擬山谷演雅

翡翠耀輝竟委羽鸛鶴效人解起舞螻能漂邑患至微蚊
欲負山力不舉囊中錢盡青呖遁套裏醯酸黃蚋聚服望
三生骨難換鞠通一曲聲可諧顯富守門衛工巧精衛街
石志消沮從游蜻鳥未忘機集苑蓼蟲不知苦螢火照書
差可用蝸涎成字原無補鵲鷄一枝聊棲遲服翼千歲終
塵土昏夜方半起龜利春秋難與螭姑語告余不好鴟爲
媒請對以臆鵬入戶尺蠖求伸甘自屈賓鴻不逝孰貽阻

爲

盈室居然走伊威吮血那堪間杜宇報喜豈無朝見蟾蜍
禍須防夜吹蠹鴟惡幾曾見化鳳蜩縮縮言能制虎石蛩
暗泣是王孫露蠹毒噬稱主符頓墜地太冥頑鷗且號
寒素誇詡叩頭僕僕良可哀比翼鷗鷺未得所奇鷹健翻
條鋌轉斥鷃醜羽焚籬處飛路嘶羣恐尋常家鷺野鳬等
朽腐天空地濶白雲間孤鶴翩翩真寡侶

魚骨

臨流結屋小如巢倚岸施簷水勢交數尺竿懸紅蓼漱四
垂綸罾綠楊梢溪鱗漫潯潯煙痕動網眼縱橫月影涵何必
澹臺操劍起清飲深處釣寒蛟

蟹斷

江鄉稻熟雁來天獵獵西風蟹舍連三尺短筴節夜月一
星幽火點寒煙曲蘆岸影疑無路界斷波痕不礙船縱使

橫行齊入綠燈搖手快登筵

宋芝圖

莫莫高山嶺雲霞孕瑞藻五色揚光輝靈秀冠眾卉世無
地行仙奔指不見采君今寄遐思短鋤攜鴛鴦把此玉鞋
歸古抱絕塵滓豈具慕石隱高蹈軼黃綺豈其歌芝房嘉
祥示鴻侈張圖識君像晴能會君旨聞君崇令德執事必
求是卜式家財輸魯連鳳雞解落落襟期高足以勵澆詭
寸莖可療饑瓊液勝芳醴欲持此靈根徧療我桑梓乃知
圖成時超然蘊妙理德門善氣應休徵符素履壽考形詩
歌科名兆孫子何必耕芝田乘雲到瀛海即此尺幅中隱
隱發奇彩

湖上雜詩 壬申

一掬石根泉新焙淪龍井不改在山清何嫌透心冷

三

三

天留一線明愚夫終不悟空虛物穆中那得知其故
飛來欲飛去但見峰靈奇不問飛來處安論飛去時
山僧善長嘯古洞倚雲根六意既能靜何須呼老猿
其質本冥頑其形皆鬼域吾推忠武心豈屑羅階側
煙環孤嶼深塵外尋幽契特立想高蹤生平無附麗
高人迹已希鶴去亭空在既具凌霄姿終須離塵海
蒼蒼曲徑深杳杳輕風送幽絕數聲鐘喚回塵世夢
水檻風檣敞湖光四面來箇中清意味載得一船回
蘇隄接白隄打漿水雲暮若得作閒人便向湖中住
訪取斯堂故址故堂爲外王父俞文節公
宅依巖嶺占名泉杖履追隨記昔年砥行恪循諸葛誠論
文勤讀史公編傷心碧血沾襟地回首青燈繼晷天剔石
披榛空想像招魂難續楚騷篇

俞文節公墓

拱木陰懷宿草平碧峰環衛夕陽明階前芳醞寒初醺燼
後遺緇錄未成不分浮華推宅相還將文字念平生羊曇
重到西州路零落山邱涕泗橫

重九有懷兩弟時久不得家書 甲戌

舊館商飈拂翠筠道場山色九秋新遙知此日題糕字念
著京華旅食人

插萸卻少王摩詰簪菊應憐杜牧之知否輭紅香土裏登
高無興也無詩

有懷寄示兩弟 丙子

清宵步月杜工部寒食看花韋左司我亦欲尋歸夢去碧
湖花月慰相思

答子文

四

四

飢來驅我復何之乞米長安歲月馳夕照金臺殘葉下秋
風碧浪破帆遲新詩卻寄三千里舊夢重尋十二時不到
千山今六載青松松柏好扶持

題畫扇 丁丑

雲歸野渡悄無人村外山光雨後新占得綠楊深處住三
分流水一分春

髣髴若邪溪上去柳陰路曲是人家村容如水山如畫門
對寒流白板斜

曲港垂綸不繫船平林羃歷碧於煙笛聲吹出漁家傲水
轉山圍又一天

渺渺煙波淡欲無賣魚聲裏聽提壺此中若住元真子便
乞扁舟泛碧湖

四十初度率賦五章 己卯

雪泥鴻爪試從頭彈指光陰去不留碩望未能追馬鄭高
蹤安得附羊求知還倦鳥歸深樹學釣靈鰲信直鉤卅載
蹉跎終莫補勞勞塵世等浮漚

朱門冠蓋集嚴終躡迹香塵還輒紅癡夢爭尋蕉下鹿豪
情笑叱柳前驄強彈馮欽聲難就妄學齊竿曲豈工勦業
行藏何限事倚樓看鏡寂寥中

踽涼情狀最堪嗤燕市騎驢不于時敢詡芝蘭參臭味豈
防瓜李避嫌疑詩書結契真偏淡酒內論交久易離鍼曲
枉教磁石引朱絃三歎證心期

夢裏家山也當歸客中情事是耶非偶沾濁酒供清酌爲
買新書典舊衣兒耐齋鹽方索笑妻甘荆布亦知幾碧湖
風物難忘卻鱸膾初登蟹漸肥

雲司袍繫歲華遷早悟朱絲暗裏牽小草知難供世用散
材幸得遂天年疲駘僊蹇驅常後老鶴羝羝舞不前漫道
塵機無日息此生終結看山絲

六月二十四日同人招遊十刹海午飲慶和堂卽席
口占二律

新秋先到最高臺是日賓主皆同司徐乃秋何松僧
偏有態曲廊花淨總無埃城邊山色濃于黛檻外湖光重

若醅促膝休談軍國事當筵且勸掌中杯
涼陰靄靄覆橫塘十畝花香接稻香綺序恰逢初度好靜
觀自有不言芳忒叨共楫良非偶漫說應官爾許忙撲去

輒紅塵幾斗勝遊占得水雲鄉

擬老杜諸將五首用原韻
唐時郡縣漢河山五季搶擄如設關尙待金函頒日下示
留銅柱鎮雲間武襄壁壘秋風肅黔國旌旗夕照殷自古

巖疆承正朔陪臣猶得觀天顏

貔貅十萬頭邊城五夜風清卷旆旌豈謂不曾逢一虜譁
然遂已走千兵漫嗟殺氣蠻中惡猶喜煙塵宇內清每聽
鼓鼙思將帥臨戎誰是李西平

富良江外起狼烽漏雨積雲戰壘重誇誕未聞誅馬謖桀
驁枉自斬劉封維州險隘雖云失勃海儲胥尙足供悉怛
謀降須駕馭莫教解甲事耕農

麟閣何人姓氏標日南兵氣未能消經年毒霧沈丹微昨
歲妖星動碧寥塞隧詎無左司馬漏師偏有寺人貂扶芥
比景休輕棄會奉先皇玉帛朝

連朝飛電羽書來芳削峰頭畫角哀江靜血腥橫島嶼夜
深燐火滿樓臺時危競上平戎策戰苦難擎飲至杯九省
兵戈方未艾籌邊慎莫付庸材

李慕皇招飲於淨業湖卽席十香遠益清小榭慶和卽
席書懷兼呈徐乃秋何松僧

殘荷留得葉縱橫勝地重來動客情畫閣參差都倚樹平
湖蒼莽半依城露葵綠退秋光媚風柳青梳午氣清佳日
難逢休沐暇暫地暫組此片馳

雪泥陳迹記前年酬唱會經年鳳箋漢上鳴驕欣作郡友
琴出守江頭駕鯉恰登仙武悅堂主政浮雲聚散懷同侶
塵海升沈數昔賢是日酒酣數言之咸四座停杯論
往事光陰彈指感推遷

于聲聲望重雲樓好客攜尊結驂游六復詩名齊顧鄭偉
長文筆邁曹劉論交幸得同官好對景翻添故國愁最憶
西風鱸正美年年孤負碧湖秋

松僧以二閨觀荷詩出示憶丁卯九夏與客放舟聞

下不覺二十年矣流光已去歸夢難成慨賦長句
即用原韻

泥聽龍銅鼓報衙尋芳每惜日西斜多君避暑香擎藕記
我追涼巧騙瓜廿載似塵催遊景萬人如海慣浮家客中
略說鄉關事六月若溪勝若邪

九日同人集飲江亭乃秋賦詩紀游謹依原唱倒用
前韻 丙戌

瑟瑟寒雲正作秋荻花楓葉不勝愁歸鴻清遠詩吟謝戲
馬臺高會憶劉令節又逢開口笑近郊難得賞心游數聲
吹徹重陰散恰是臨風笛倚樓是日晨陰午寒

館臨初地勝陽遷象外探幽集眾賢石壁尋詩人已古壁間
有石刻船山金爐決識語都仙亭東文目閣有集唐安排
請故老詩 金爐決識語都仙亭東文目閣有集唐安排
鴈政招紅友商略碑文揭素箋東北有香家武家二隔

甲子細論同算亥定煩小錄作疑年同座十四人酒
休咥酩酊醉瑤觥秋後登臨氣倍清登酒後露遙村連古

苑依依殘照下寒城蘆碣入畫添幽興與菊墅催詩寄遠情
和到玉臺新詠句想君健筆意縱橫

香冢在江亭東北間有碑碑陰題碧血詞詞極哀無

姓氏年月其側有嬰武冢小碣為記讀碣上文言
嬰武粵產也九日與松僧訪得之松僧各繫以詩
依用其韻

流水飛鳥處當年絕代人空留碑上字誰識鏡中真花悴
香埋土蘆荒夜聚燐那堪憑碧血無復舊羅巾香冢

迢迢來嶺海畫閣惜離羣況復遺靈蛻悽然傍短墳三生
誇辯慧一夢謝塵紛芳草萋萋處西風起暮雲嬰武冢

詠史 丁亥

瓦器紛紛送柴車得得行貴為新室傳清節飾虛名
侍講華光殿重來作帝師靈現開異苑一疏進良規

枉說真龍種羸官困督郵蒲萄新釀熟赫咍去涼州

六月九日同鮑敦夫陳書玉二太史邀李越縵農部
遊南河抱宿雨不果移席江亭

宿雨雖炎歊開軒綠萬頃清風四面至習習吹衣領觀荷
願未遂來此賞幽迴酒深客忘歸敲冰復煮茗回望城西
山白雲接溟濤

十七日南河抱觀荷

廣渠門西南二里許有蓮花塘廣可百餘畝俗呼

南河泡又曰寶泉舊隸奉宸苑近年有王雨亭者

佃種之蒔荷種稻築室數楹于其中遂為都人士

銷夏游宴之所一統志云百泉溪在宛平縣西南

十里麗澤關平地有泉十餘穴匯而成溪京城古

蹟考云豐臺在宛平縣西自柳村俞村樂吉橋一

帶有水田橋東有園其南有荷花池牆外俱水田

種稻至蔣家街為故大學士王熙別業其季家廟

張家路口吳家村之西北地畝半種花卉半種瓜

蔬劉村西南為禮部官地泉脈從水頭莊來今此

地未知即古蹟考之荷花池否其風景固彷彿也

火雲碑兀生奇峰炎林赫赫散霧封十丈黃埃卷地起勞

勞車馬相追從看荷共說城西好偶乘休沐遂幽討出郭

南行二三里曲徑縈紆循古道數椽占得陂中央四面陂

寬百畝強老榆高柳翠相抱平隄迴合清流長舞風裳今

牽水佩萬柄花開錦世界游魚瀉鴈意閒荷絲菱線自

榮帶野航剛受人兩三隨波轉入花中探細鱗不聞爽氣

發波光演漾花光愁隄外水田將綠繞清影鱗鱗開曉
方勝似對映似鉞勢歸江鄉風物早主人言是耶邪王卜
居來此逾十霜此陂久隸奉宸宛年年還約官租糧每年輸租銀五十兩
有亭翼然出林表飛甍揭嶸接飛鳥遺構建自乾隆
初逸事流傳問故老我聞城南尺五天風流盛會追昔年
春秋佳日觴詠集相公別業王文將軍園祖氏樂吉橋東
早荷放樊劉俞柳村相望悠悠塵世幾桑田勝地低回轉
懷愴夕陽旣西筵復開陂光激灩浮金杯花深點點鳥飛
度林靜嘒嘒蟬鳴催人生難遇是幽賞奚爲局促在塵埃
簿領回回無了時安得此中長偃仰

九日閨夢九招飲江亭

彭澤香餐菊藍田醉把萸從來逢令節難得是清娛槐柳
秋風老亭臺落日孤但教腰腳健笑事念榮枯夢九每有升沈之感

去秋游江亭松僧賦香冢嬰武冢二詩余步其韻後

遇李越縉言嘗問之守冢老姬香冢乃張笙陔侍
御盛藻之妾嬰武同時所瘞也今秋復游江亭
目老僧言二冢實侍御所作香冢埋殘花嬰武冢
則侍御南臺疏稿花神廟亦侍御所建隸江亭故
言之能詳復賦二絕句

槐柳蕭森蔭一邱數楹祠宇徑通幽葬花心事無人說
有殘僧已白頭

平生瀝盡葛弘血權作名山弔府藏死後聲名誰管得
冥呵護仗花王

臘八日京察過堂計自甲子到部八過堂矣口占二
律呈乃秋曹長

登場傀儡暗牽絲郎府依烏逝景馳題柱名誰田鳳妮停

年格漫左雄嘗七條絃激琴曾奏九轉丹成鼎尙遲廿四
韶華同一瞬前塵似漆渺難知

何自爲郎濫備員磨驢陳迹踏年年幸逢儒雅同曹選喜
誦清新好句傳守拙分居靈運後蜚聲多愧照鄰前于今
西府寒蟬噪鳴鳳朝陽待上賢

疊前韻答乃秋少鼎

難將別調寫琴絲贏得虛聲日下馳勞我以生原是幻送
人作郡又何嘗漸鴻先路爭相逐老驥長途到豈遲珍重
榮名金石壽素心未許眾人知

雲亭聯步到常員射策金鑾最少年怕說遠游偏我久每
江南風物少輒慨然不樂余作客三十餘年矣又將何爲
情乎愛吟佳什向人傳哀時
庚信情何極薄宦馮唐齒在前三復新詩每鶴句愧無清
德繼高賢

將赴敘雪堂在奉天司與乃秋話司中事率成二絕

句

慣爲他人作嫁衣年年壓綫計全非而今予隨班去羽
輿宮移曲又希

五年共掃簿書忙難得同心話一堂最是酒邊與詩後依
依遼海好春光

郭存甫改官畿輔賦詩留別依韻奉和 己丑

雲亭共惜歲華年如火唱紅照去輒曾補遺文參晉令余
刺字集就競推頭望遠馮頭崇鐘常聽穿花韻處兼行論
直落京門風笛爭吹折柳篇往事思量最惆悵把黃鶯詠
九秋天

古貌冰心耐久明詩前酒後動離情鳬飛北闕新承寵魚
出西河舊得名毛檄捧時伸孝養處琴彈處頌神明料知

官閣閒無事竹柏春春證夙盟

薛雲階少司寇隨扈東陵派充隨員閏二月十四日

出都先行二十三日還都途中口占十絕句庚寅

旗影鸞聲去不停雪花相送出郊坰今年春比常年晚柳色纔黃未變青

塔影搖空日已西路河南畔促輪蹄紅欄隔岸遙相接煙鎖平橋壓水低

龍旗高卓拂雲煙鶴列無譁鷺序聯忽聽傳籌呼二里千官齊集禁門前

夜認銓光晝認旗各標新樣記曹司引繩爲界風原古萬帳分行布若棋

石磴營紆輦道清琳宮高聳接丹甍聲音帳靜營門肅萬馬雲屯總不驚

補元

銀花十里夜光寒鶴欲騰霄放眼看皎若繁星圓若月滿山銓彩構奇觀

複岫層巒疊四圍晴沙風卷雜雲飛三春氣候兼冬夏宵著重裘午葛衣

揭簾道左示煌煌履畝蠲租率舊章春搗經營休說苦聖朝德澤本汪洋

御史祠堂聖黜新闢門風雨弔孤臣史魚尸諫芳標遠莫道今人讓古人

寒食清明幾日過郊原天氣漸融和桃花乍放紅霞薄榆莢初圓綠蔭多

題楊韻樓清流作鑒圖

煙波舊與白鷗盟沙石鄰鄰底清觀我觀人原一樣此中妍醜最分明

聞支竹杖看清流雲影天光一鑑收養得此心常活潑那分萬派與源頭

壘塊何須用酒澆滿腔俗慮自能消空明一片無纖翳對此方知識界超

長松如叟石如仙獨坐臨流思悄然此意是誰能識得故教寫向畫圖傳

留得青檀短榻安蕭蕭斗室一銓寒願將不息川流句說與愚蒙子細看

重游南河泡王辰閏六月張勳

共攜尊榼郭西游夾道蟬鳴便覺幽簪組暫拋城市遠渴來同訪水雲秋

雪堂盛會記追攀塵夢三年瞬息間今日重尋鴻爪印依然野老候柴關

補元

高槐四合竹成行垂柳毵毵覆短牆更喜重陰留得住新涼滿院好開觴

舢船纔進百分空豪飲如鯨意氣雄觴政儼同軍政肅滿筵都在指揮中

今年苦雨似前年種芡休言勝種蓮舍北舍南花正好不愁難納水衡錢

半篙新漲綠如醅數頃陂寬放艇回芡葉離披菱葉亂煙波恍泛玉湖來

水田翻似學僧衣雨後秧痕綠正肥仿佛故鄉風物好此身渾在畫中歸

勝游難得是同官座上杯空興未闌卻向瓜哇花徑外雨三點雨送歸鞍

王虎文馮悅軒招遊北河泡觀荷雨甚不果往午飲

於天甯寺塔射山房七日方坤吾首唱索和卽步其韻

郊原氣已變新爽驅鬱蒸爲厭城市客裏動秋興共說北陂好地僻占幽勝殘荷三四里晨葩吐瑤孕豈知豐隆怒黑雲壓塗徑命駕還踟躕雨聲隔簾聽

看荷幽既阻探幽到野寺松柏若膏沐滿衣撥濃翠入座生微涼綠醕佐紅菱囑謂阮嗣宗遺俗道在醉坡公三蕉葉歡言亦何愧身外同浮雲會得酒中意

臨觴動鄉思倦懷三徑荒胡爲苦形役人海漸驅藏近漸流水逝遠愧飛雲翔孤蟬苦已歇歸鳥方成行故園渺何處江河廣無梁登此清淨境洗我干結腸

雲樓久聯蔭同志快相得賞雨來山房四座觀酒德古塔說隨季遺臺緬昌國遠樹靄秋光暮煙起寒色方干發新

詠清曠出中臆陽春竟難和長歌巾欲側

墨龍歌

黑雲壓舍日光變堂上乃有真龍見窺頭抱尾葉公走左攫右擎起素練古來畫龍誰最奇驚霄烈裔名先馳不與赤龍張目寫僧繇雙龍點時飛後來畫者亦傲兀孫位陳容竝傑出神物情狀窮追摹心適變化已忘筆華堂當畫間吳綠嶂嶸頭角垂長髯誰家意匠特雄放磊落想見胸不凡一龍蜿蜒驤首仰水隨雲氣凌滄上翠鬣中挾腥雨飛魚銀半空墮三兩一龍穴前躍石瑋昂頭望雲意欲吞怒爪奮張草木靡山谷震駭波濤掀簸恍忽見若隱微潤細濡看不盡甲鱗偶露雲重重白氣瀾漫雜蛟蜃古人畫水兼畫龍寒風颯颯生屋東墨濤淋漓意飛動杳冥疑有神靈從君不見真龍起騰階尺木崑崙朝發孟諸宿飛

酒躍見何須與豈困泥塗竟踰伏修鱗九九符純陽百怪避匿陰魅藏時乘御天六轡頭尺澤之鯢安足量

潘問樓出詩相示大有牢落之感卽步其韻以答之漫說官場似積薪雲樓偏許著吟身久爲日下蜚英客同是風塵溺迹人折獄良才聲望重登壇異數品題新錢雪步向係提調因人坐辦國人看減等三人近年愧無鄒衍離龍手吹律能回黍谷春

前詩既答重有所感復疊前韻二首以質問樓莫論前薪與後薪輒紅疇是自由身趨衙而外無多晷作郡從來慣送人願助清名三代古靜觀世態百般新塵糴泮我肩難卸抱贖雲亭廿九春

負荷懷慚舊折薪牽絲未許便抽身論交幸有知心友閱世偏多冷眼人爭望雲霄尋路遠閒攜霜葉寫詩新魯戈

難返西馳曜菊又榮秋竹又春

問樓以新春遣懷二律見示卽步其韻 癸巳

番風早送隔年春客舍偏驚百態新故里空留三畝宅知交半是二毛人案多積牘休嗤俗家有遺書不算貧慙愧雲亭過十考流光奄忽若飈塵

譽咎全無學括囊最多憂患是名場屈平尙欲隨鴛馬甄宇由來取瘦羊薄宦久經諸世味高歌翻羨作詩狂柳芽將茁花將發好把香醪薦木皇

出守津郡留別同人

雲亭抱嶺點朝班荏苒韶華已卅年交淡偏多同志樂援疏幸遇長官賢謬登上考虛聲負濫敘勞資異數遷此日一麾津海去何時重與話尊前

寶店日占

莫嗟見卯求時夜荒店先謀二卯難是日求難不得粗土人言水荒之故

松林店早行

四更漏轉策霜驛雪淨沙平月色低滿目荒萊生計苦連村到曉不聞雞

初到保定戲題

久習京曹禮數寬驟儕外吏整衣冠強持手版趨踰拙細認頭銜辨別難緬想昔年都會盛幸逢今日海疆安循良遺蹟儀龔遂報最應慚詠素餐

稿九終

枕碧樓偶存稿卷十

詩四

心岸居士七十九壽言二十四首 甲午

盛代魁奇出扶輿間氣鍾翰屏歌獄降世胃朔姬宗冊載
思駁歷三朝念奮庸幸聯虛李好祝羨意彌重

夙慧知名早長征萬里滇沱游霞客記射策子由年文字
偏希遇班聯日備員宦途初發軔來往潞河邊

浩淼桑乾水城樓拱北辰展禽官惜小扁鵲術稱仁道本
能醫國方多可活人鼎四知感泣著手便成春

研究靈蘭祕聲名達九重薦書傳羽鶴清漏聽銅龍視脈
宮闈肅評方御墨濃天威顏咫尺垂問語從容

墨綬銅符燦居然古邑侯聲馳龐統驥訟息魯恭牛風驛
三津送雲帆萬舫收序勞階疊晉夙抱定能酬

孰使孫升木侏離語幻曉簡書越渤海籌筆瘁松江口舌
爭何力干戈氣已降馳驅憐蹇掌歸路送吳艘

舊是平昌郡山城喜佩符階痕間上草鞭影靜懸蒲駕海
鯨波沸跳梁鼠輩誅吏民皆案隨四境頌聲孚

沽水自潞潄爭迎竹馬來災黎蘇藥石惡俗靖椎埋續懋
邀殊眷時艱仗異才筆鎗猶未變龍節去青萊

之采高擁翠地勢控東溟谷日臨諸島凌雲聳一亭敵謀
潛欲逞隱患弭無形不惜斷斷嘉謀貢大廷

東海雄關啟新街權使尊桑研微刻嚴草創萬仁恩風靜
帆檣集潮回島嶼吞遠人胥悅服輿論至公存

六年敷惠政遷秩重臨官力恤民生苦心籌國計難苛徵
除孔僅名論采桓寬鴈詠明湖上間情四坐歡

福上還加福居士邵子嘉辭信有徵容城朝日煥柏府夕
煙徵入獄祥刑慎三遷寵眷膺旬宣詢異數無駭惕冰兢

政令中書出香疑畫省清瘡瘼勞煦嫗供億費權衡九郡
登仁域羣僚仰至誠王尊標勁節共揖契平生

那靡謀何狡潛師渡海來折衝操勝算參畫著丰裁地沃
資林敷天荒闢草萊母滋他族逼都會赤嵌開

宛宛新移節江天盡鵠飛位仍居岳牧職更領封圻旭日
臨牙戟和風卷彩旂共瞻行部至漢上柳依依

里閑三年住江城又建牙煙波楓荻冷風日豫棹賒峻潔
持清操稽逋責勢家殊犀犛意改飛語亡相加

六月鵬搏息鴻噉滿故都流移編戶口羸弱越江湖競發
韓韶廩爭披鄭俠圖獨據康濟策生活萬人呼

帝念邊疆重安危仗老成玉屏勤露冕金筑駐霓旌營列
千山靖民輸兩稅輕廿人圖喜授美利惠蚩氓

克慰懸車志林園賦遂初無田歸亦好有道樂非虛祕籍
仙真契家庭歲月舒閒中留翰墨揮灑右軍書

賢智李文姬璇問耀令儀笑顰誠不苟勤儉夙堪師蘋藻
修芳薦芝蘭握素粧合飴看繞膝鴻案慶齊眉

薛氏誇三鳳都非百里才即令占宅相卻喜聚英台權稅
湖邊住乘槎江上同鳴鶴無棟郡先奉省符催

海內耆英仰由來令問宣降寅逢慶月算亥過華年我佛
生同託天尊福正延問軒秋氣非風肅月輪圓

鶴蓋集仙曹載載甲第高安期呈大棗曼倩賦冰桃甘醴
傳金爵奇音奏玉璫簞軒歌竝作詞客願揮毫

領郡叨非分摩挲手植棠實筵欣起舞宦轍阻稱觴玉杖
精神健銀函敘述詳期頤還作頌更續壽人章

有感六首

辛廖未契八風龜言發盈廷議出師指畫局中推老算牙

開塞上等兒嬉雄罷合造鬚獅搏飛兔誰教蹶龍追回首
湘淮諸將帥不堪今日又聽聲

漢家疆域屬幽州沮水初平四郡收天佑朱蒙開版宇土
分青社樹王侯訪求舊俗矧弓馬仰望中朝拜冕旒欲問
荀楊遺墨處蕭蕭風起荻蘆秋

大同江上水泓泓飛渡何須縛木罌獨有史儒能效節公
言楊錫不知兵碧曉館外軍容墨風月樓邊殺氣橫養士
金錢過百萬于思棄甲聽輿評

麓磯島接海雲東旌旆悠悠夕照中險列千山修壁壘曲
藏一水聚腺腫卻看對馬師方出不道文龍帳已空爭說
乾元九節度堂堂郭李亦無功

大凌河外列營連刁斗森嚴起暮煙有士從軍橫槊賦幾
人移戌枕戈眠輕言決戰唐房琯垂老臨戎漢馬賢一夜

數驚神志定帳中高臥壁何堅

休言絳灌戰功多引領三邊聽凱歌未見元戎求衛霍已
聞愛將戮樊何軍衝能扼摩天嶺勝算難尋望海竭寄語
塞垣諸父老由來師克在人和

九月保定郡試率成長篇示龔達夫太守壽昌及襄
校諸公丁酉

直沽棟花老郡試齊諸生清河菊方茂諸生齊會城一年
試雨郡儼亦持文衡此郡學十七附以駐防兵濟濟三千
餘銳志躋庠鱣文字驟填委五色真迷晴高軒集羣彥令
譽何觥觥秦晉齊魯吳滇池共遼京同時襄校者為大令
西李子藩蔭恒郭芝山鍾秀山東王鏡海襄清隋越華山
林雲卿奉天田江蘇李鴻漢映庚鶴應芝炳襄雲南楊西
田給聞鳴文太守斯吟手渤海傳家聲襄校資矧力蒼萃
尤持平窮日費搜討午夜神屏營遺珠庶無憾月且符公

評鎖院清畫靜活火茶剛烹興酣發狂言四筵且勿驚國
家尙文教取士沿前明細想初盛時人人知治經克闡聖
賢旨頗頗詩書精發爲經世業廊廟多耆英積久法遂敝
遠越先民程三通廿四史高閣徒充盈剽竊與塗抹土飯
塵爲羹矯矯蓬嶠選楷法尤風行浮華獵世譽輕俊要科
名持此以用世所用非所能自治且未足遠略嚆能勝故
紘聲不調張之貴乎更窮通通則變易義含恢弘因循翫
歲月異說將縱橫及時各自奮庶幾道能興我知廟堂上
柱石多忠貞愆忘固所戒虛車亦當懲仔肩肯獨負風氣
開林丞聞者噤不語但覺心忤忤蒿目亦徒爾壘塊消何
曾白衣正送酒且進龍頭鎗詰朝試事畢霜氣凝空庭
合覆郡士以不知誰是謫仙才命題得知字達夫首
唱排律相示依韻奉酬

孤負東籬菊搜才鎖院時謫仙誰可侶名士定相知謬許
銅符綰慙將玉尺持同心延鳳妙巨眼抉羣疑檢點千篇
富評量五夜遲雌黃操月旦太白想風期藥榜明朝看蓬
壺異日思使星懸朗鑑臭味莫參池

夜宿信安鎮贈逆旅主人

瓦屋數椽田數頃不求非分舉家歡豈如宦海勞勞者雪
虐風饕夢未安

題安麓村舊榻孫過庭書譜後

唐孫過庭書譜墨迹國初孫退谷得之西川後轉
入眞定梁蕉林相國家乾隆丙戌天津安麓村岐
購之梁氏迄今又百餘年不知流落何所矣石刻
宋時有兩本一祕閣續帖本稍肥一太清樓本稍
瘦明代已稱難得退谷猶獲此兩本見庚子銷夏

記中亦希世之珍也明刻有文氏停雲館本國初
有海昌陳氏王煙堂本並非精品惟安氏以墨迹
鈎勒上石遂出文陳之上乾隆戊寅欽人汪令聞
廷璋得其石後歸江鶴亭家南城會賓谷方伯轉
運揚州又從江氏得之攜歸南城此後搨本遂鮮
嘉慶庚午長白毓春圖都轉興藏有安氏搨本倩
錢梅溪派重刻於揚州視安本略瘦世亦重之然
不若安本之精神完固也毓石今歸天津鹽商張
氏珍爲至寶尋常不能得其搨本安石歸南城後
歷經兵火不知向在人間否此冊爲越中孫越樵
舊藏向是安氏原搨陳伯平觀察政泰有跋語甚
推重之觀察臨摹書譜有夙癖其相賞有真矣
絕壑丹崖早擅名夏蟲休錄寶家評當年真迹今何在空

說孫梁賞鑑精

王

五

宋時秘閣太清樓兩本爭傳內府收玉躋全題歸劫火人
閒零落幾春秋
安家沾水草堂開會乞中山墨妙來搨得硬黃留樂石不
教初物溷塵埃
時窗展卷露英光宗派原來出二王文氏停雲猶影響何
須更數玉煙堂
邦江覆本屬楠溪燕瘦環肥費品題若識廬山真面目漫
登野鷺厭家雞
君家舊物守青氈林道書名重穎川晉陳達字林道工愧
我未窺章草祇且將故事寫蠻箋
清河道舊署建於康熙四十一年有韓文懿公葵碑
文紀事

慕廬文筆擅當時剔辭剝苔共讀碑間坐豆棚諸父老爭
將舊事說康熙

六月初九日書事

銅虎符分使解雄狂將經始記韓公許田壁假謀何狡漢
寺經來事詎同及此竟非孤始願不矜疇與汝爭功臨荷
亭北蓮池側遺謁摩挲夕照紅

景教東來孰厲階枉申高議眾相排和宮違仿唐祇寺耶
第弘開漢臺街鼉吼但聞長夜鼓虎頭空憶舊時牌荒祠
寂寞英靈護留得清陰覆古槐

牽牛花

一笑嫣然露氣含明河耿耿月西南小名呼作勤娘子籬
角剛開花雨三

書事

六

六

之奇盡室行伯玉近關出君子見幾作必不俟終食哀哉
龍藏子營營競觸熱浮名嬰網羅羈絆曷遺脫白首竟同
歸青山慘埋骨千秋萬歲後曠秉董狐筆

題楊忠愍家書墨迹手卷

存容城

義景何曾照覆盆獨留浩氣至今存直聲能震東樓曉忠
悃難忘北闕恩諫草久經傳樂石家書長得守賢孫代夫
疏語尤悽惻恨未當年達九閭

十一月十六日月餘周子迪廉訪作詩示僚屬敬步

其韻

司天既可算從頭鉦鼓儀陳等杞憂地軸朦朧虛影隔天
揭要云月繞地轉至與日相衝且入地日引長之切線則
影必入地影內而有月能按今以遠鏡窺之光遠之處
約可辨非全不透光也隱雲欄隱約素光留卻循黃道推
經緯漫對紅輪卜咎休或若舊紅銅然其所以紅者乃日

尤透過地氣卽被折分爲七色若虹而七色惟紅難滅沒故也試釋古人災異說詩成堪
比畔牢愁

送覺羅劭民大京兆入都時將之官瀋陽

李峴唐華胄劉般漢至親天潢傳世德帝眷屬宗臣執法
清三輔宣風慰四民虛懷原若谷庶事切咨詢

語及艱危際忠肝鐵石堅事難多束手恩重獨仔肩方喜
風丕變還虞火未然倦倦憂國念三復放翁篇大京兆自
效翁句見贈云憂心雖若
冰將釋憂國猶虞火未然

至性言無間庭闈日問安溘與方就養萊綵爲承歡忠孝
能兼盡行藏轉覺難九重隆倚畀未許挂朝冠

濟世心仍切荆關筆暫拋北門嚴鎖鑰東土擁旌鐃報國
瞻移節搜才訟下交賓僚相送處斜日駐寒郊

漆室憂偏積誰憐倚柱吟同仇惟士氣固本在民心公若

持釣軸人思慨金鬻芻蕘宏采納爰敢貢丹忱

丁香花四絕句 己亥

餘寒料峭襲羅裳槐未含青柳乍黃眞箇司花先奉教春
風占斷一庭香

粉身墮麝杜陵句鬬影竊北錢起詩情緒兩般花一樣不
關臭味有參池

亭吳獨生標異號卻看千萬結同心叢芳未入羣芳譜藥
籠還從本草尋王象晉羣芳譜未見丁香之名
廣羣芳譜從本草增入藥類

爭說憫忠花萬樹步尋古寺曉風前京師憫忠寺
丁香最盛閒思往
事增惆悵不到宣南又七年

籠中鳥

深鎖雕籠傍繡幃主人情重許相依何如脫卻金羈去海
闊天空任意飛

重到京師

幾日霜風速我行西山爽氣若相迎江湖更作簞棲夢尊
酒重修主客盟燕寬故巢偏冷落馬尋熟路尙分明者同
未聽玲瓏曲嘯與殷勤唱渭城

病中戲題

生平不作維摩病今日官衙閑眠熟念勞人情草草漫
啞睡漢腹便便暫疏期會間非惡因病得閒殊更逐風塵
健卽仙檢點千金方一卷庭梁休賦照鄰篇

病中鄉思願切率成七言十絕句寄示雲抱

憶青山有微廬

夕陽影上驛西橋如許風光拍手招春水鱗鱗山靨還
從慘綠數芳韶

樓上看山寒撲面雙菰溪上是吾家芒鞋重踏溪山路第
一先嘗紫筍茶

關心妙喜山中竹莫笑清貧太守饒可是無田歸亦得爲
他苦筍脫朝衫

老桂先公親手植庭桂爲觀
察公手植欣欣生意早秋天木犀香至
會聞否好與同參五味禪

靜裏聽松見道心小軒還是讀書林舊圍解帶誰量得歷
盡冬春雨雪侵庭中羅漢松
百年物也

籠鷺巧仿龍皮扇搏蟹輕搖鴨嘴船攜得芷畦殘帙在好
將土物續遺編

牢落人生五百年摩挲銅狄意悽然發前苦憶東坡句風
雨匡牀久獨眠東坡和子由詩五百年間誰復在會看銅
狄兩杏嗟時子由固尙在也余諸弟皆亡
不忍卒讀